

南瞻部洲有大勢力移須彌山竭大海水咒乾枯木能生花
果何況手能依法持誦不轉肉身得大神足往兜率天若求
長生及諸仙藥但依法誦咒即得見觀世音菩薩或金剛手
菩薩授與神仙妙藥隨取食之即成仙道得延壽命齊於日
月證菩薩位若依法誦滿一百萬遍便得往詣十方淨土歷
事諸佛普聞妙法得證菩薩若欲成就壇法不同諸部廣修
供養掘地香塗之所建立但以一新鏡未曾用者於佛像前
隨月十五日夜半向東方置鏡坐前隨力莊嚴諸供養具燒
安息香及淨水然後結印在於心上咒鏡一百八遍以囊盛
鏡常將隨身每欲念誦但以鏡壇置於面前結印誦咒若不

道藏輯要

三丰全集 準提心經

六

續集十二
X118

若不能
結得准
提印者
但以左
手作金
剛拳印
右手持
數珠誦
之

能逐日對鏡念誦但於十齋日對鏡念誦除十齋日外不對
鏡壇持誦亦得密藏之中令此鏡壇最為要妙總攝一切諸
壇若無鏡者但想一鏡者於面前持誦淨諸惡趣經等多說
想成壇法持誦為上或不能想得壇者但只專注持咒此准
提咒一切諸佛菩薩等同說獨部別行總攝二十五部真言
壇法准梵本有十萬偈說立龍樹菩薩

以偈讚曰

准提功德聚 寂靜心常誦 一切諸大難
無能侵是人 天上及人間 受福如佛等
遇此如意珠 定獲無等等

十齋日
初一日
初八日
十四日
十五日
十八日
二十三日
二十四日
二十八日
二十九日
三十日